

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BIHAĆ
GRADONAČELNIK

Na osnovu člana 183. stav (2) Poslovnika Gradskog vijeća Bihać („Službeni glasnik Grada Bihaća“ broj 03/16) Gradonačelnik u svojstvu predlagača propisa i drugih akata

O d r e đ u j e

Izvjestioca: Šuhret Fazlić , na sjednici Gradskog vijeća i radnim tijelima po prijedlogu tačke dnevnog reda:

- Prijedlog Rješenja o imenovanju Tima Grada Bihaća za borbu protiv korupcije

Gradonačelnik:

Šuhret Fazlić

**BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BIHAĆ
GRADONAČELNIK**

Gradsko vijeće Grada Bihaća

PREDMET: Prijedlog Rješenja o imenovanju Tima Grada Bihaća za borbu protiv korupcije

Na osnovu člana 52. tačka a) Statuta Grada Bihaća („Službeni glasnik Grada Bihaća“, br.13/15) i člana 140. Poslovnika o radu Gradskog vijeća („Službeni glasnik Grada Bihaća“ broj 3/16), Gradskom vijeću Grada Bihaća predlažem donošenje Rješenja o imenovanju Tima Grada Bihaća za borbu protiv korupcije

Obrazloženje

- **PRAVNI OSNOV**

Pravni osnov za donošenje Rješenja sadržan je u članu 35. tačka kk) Statuta Grada Bihaća („Službeni glasnik Grada Bihaća“, br.13/15), a u vezi sa Strategijom za borbu protiv korupcije Bosne i Hercegovine 2016.-2019. i Strategijom za borbu protiv korupcije 2016.-2019. Federacije Bosne i Hercegovine

- **RAZLOZI DONOŠENJA**

U najširem smislu korupcija predstavlja svaku zloupotrebu položaja i vlasti radi sticanja pojedinačne ili grupne koristi, bilo da je riječ o javnom ili privatnom sektoru. U užem smislu, korupcija predstavlja zloupotrebu položaja ili kršenje zakona zbog pribavljanja određene, najčešće materijalne koristi. Korupcija dakle, u svojoj osnovi, podrazumjeva stavljanje ličnog ispred opšteg interesa od strane osobe kojoj je osnovna obaveza ili zadatak upravo zaštita javnog interesa. Kao najčešći uzroci za pojavu korupcije u društvu uglavnom se navode: nepostojanja ili loš zakonski okvir, odsustvo institucija nadzora, netransparentno upravljanje, odsustvo odgovornosti, nedostatak standarda ličnog integriteta i profesionalne etike.

Pojava korupcije u svim segmentima društva ugrožava stabilnost Bosne i Hercegovine, te predstavlja jednu od najvažnijih prepreka za politički, ekonomski i društveni napredak države. Usvajanjem odgovarajućih propisa i uspostavljanjem institucionalnog okvira u Bosni i Hercegovini i Federaciji Bosne i Hercegovine stvorene su osnovne pretpostavke za efikasnu borbu protiv ove društvene pojave. Međutim prema ocjenama relevantnih domaćih i međunarodnih institucija i organizacija još uvijek nije ostvaren značajan napredak u izgradnji efikasnog sistema za suzbijanje korupcije. Uspostavljanje sistema za prevenciju u borbi protiv korupcije predstavlja dugotrajan proces, koji podrazumjeva uvođenje niza različitih procedura i mjera sa ciljem da se preduprijedi ili sankcioniše ova pojava .

Strategije/Akcioni planovi za prevenciju i borbu protiv korupcije su usvojeni u Bosni i Hercegovini i Federaciji Bosne i Hercegovine, dok se veoma mali broj općina i gradova na sistemski način bave rješavanjem ovog problema i sprovodi efikasne antikorupcione mjere. U Strategiji i Akcionom planu za borbu protiv korupcije u Bosni i Hercegovini 2015.-2019. i Strategijom za borbu protiv korupcije Federacije Bosne i Hercegovine 2016.-2019. definisano je da su institucije javnog sektora glavni nosioci preventivnog djelovanja i spečavanje korupcije, a rukovodioci institucija najodgovorniji u tom procesu. Strategijama su definisani slijedeći prioriteti: uspostavljanje i jačanje institucionalnih kapaciteta, unapređenje normativnog okvira za borbu protiv korupcije, podizanje stepena provođenja zakona u oblasti borbe protiv korupcije, jačanje preventivne politike i mehanizma odvracanja od korupcije, podizanje javne svijesti i promovisanje potrebe za učestvovanjem cjelokupnog društva u borbi protiv korupcije, uspostavljanje efikasnih mehanizama za koordinaciju borbe protiv korupcije. Pored specifičnih oblasti u strategijama koje su obavezujuće za sve institucije javnog sektora (Etički kodeks i antikorupcione procedure, Komunikacijski kanali i procedure za zaprimanje i postupanje sa prijavama nepravilnosti, Procjena rizika/Plan integriteta i Obuke, usavršavanja i specijalizacije zaposlenih), obje Strategije, odnosno Akcioni planovi za njihovo sprovođenje značajnu pažnju su fokusirale na lokalnu samoupravu, odnosno definisanje konkretnih mjera za suzbijanje korupcije u lokalnim zajednicama.

Pravni okvir za djelovanje lokalne uprave i samouprave predviđa principe na kojima bi trebalo da bude zasnovano antikorupciono djelovanje. Međutim, efikasno sprovođenje prevencije i borbe protiv korupcije nije moguće ukoliko ne postoji aktivno učešće i saradnja organa grada i gradske uprave sa svim relevantnim institucijama i organizacijama u lokalnoj zajednici.

Akcioni plan za borbu protiv korupcije u lokalnoj upravi Grada Bihaća 2018.-2021. Prdstavljaće jedan od ključnih dokumenata za suzbijanje korupcije na lokalnom nivou, koji će biti kreiran sa ciljem da se poveća integritet, transparentnost, efikasnost i odgovornost rada lokalne uprave Grada Bihaća.

Izrada Akcionog plana ima višestruk značaj za Grad Bihać, jer se na ovaj način pruža mogućnost za pokretanje dijaloga sa svim akterima u lokalnoj zajednici, kako bi se pronašla odgovarajuća rješenja za prevenciju korupcije. Uspostavljanje efikasnog atikorupcionog sistema podrazumjeva kvalitetniji pristup građana informacijama o radu, ograničavanje diskrecionih ovlaštenja, unapređenje određenih administrativnih procedura, povećanje komunikacije unutar gradskih službi, poboljšanje efikasnosti rada gradske uprave, unapređenje sistema edukacije i vrednovanja učinka zaposlenih, povećanje uticaja građana na

rad administracije, te jačanje profesionalnih i etičkih vrijednosti. Na ovaj način se povećava stepen integriteta, transparentnosti, odgovornosti i efikasnosti uprave, a ujedno jača povjerenje građana u rad gradske administracije.

Analogno tome, imajući u vidu navedeno, a u cilju unapređenja javnosti rada Grada i gradske uprave; poboljšanja efikasnosti rada organa Grada i gradske uprave u planiranju, donošenju i sprovođenju akata i programa; jačanja integriteta organa Grada i gradske uprave kroz uvođenje i primjenu etičkih standarda; unapređenja sistema unutrašnje kontrole rada gradske uprave; stvaranje podsticajnog ambijenta za učešće građana, civilnog i privrednog sektora u aktivnostima organa Grada i gradske uprave predlažem da usvojite predloženo Rješenje o imenovanju Tima Grada Bihaća za borbu protiv korupcije.

FINANCIJSKA SREDSTVA

Za realizaciju ovog Rješenja nisu potrebna finansijska sredstava.

Prilog: Rješenje

Gradonačelnik:

Šuhret Fazlić

Na osnovu člana 35. tačak kk) Statuta Grada Bihaća („Službeni glasnik Grada Bihaća“ broj 13/15) Gradsko vijeće na sjednici održanoj dana _____2017.godine donosi

R J E Š E N J E

o imenovanju Tima Grada Bihaća za borbu protiv korupcije

I

U Tim Grada Bihaća za borbu protiv korupcije (u daljnjem tekstu: Tim) imenuju se:

- Zlata Ibrahimpašić, dipl.pravnik – koordinator
- Jasmina Ćoralić, dipl.ecc. – član
- Alma Osmičević, dipl.pravnik – član
- Dženata Džehverović-Župa, mag.geodezije – član
- Jasmin Stambolija, dipl.politolog – član
- Edin Kulenović, dipl.pravnik – član
- Sej Ramić, profesor – član

II

Zadatak Tima iz tačke I ovog Rješenja je:

- prikuplja, objedinjava i analizira podatke neophodne za definisanje antikorupcionih mjera;
- pokreće dijalog s akterima u lokalnoj zajednici o načinima za prevenciju korupcije;
- vrši procjenu efikasnosti gradske uprave;
- utvrđuje ključne slabosti sistema upravljanja koji mogu uticati na pojavu korupcije;
- definiše ključne oblasti osjetljive na pojavu korupcije;
- definiše ciljeve i mjere za prevenciju korupcije;

- Koordinira rad institucija;
- Saraduje sa Agencijom za prevenciju korupcije i koordinaciju borbe protiv korupcije BiH (APIK);
- provodi aktivnosti u vezi s prijavljivanjem korupcije;
- organizuje okrugle stolove, medijske i druge kampanje;
- izrađuje nacrt Akcionog plana za borbu protiv korupcije u lokalnoj upravi Grada Bihaća (2018.-2021.)
- provodi javnu raspravu na nacrt Akcionog plana za borbu protiv korupcije u lokalnoj upravi Grada Bihaća (2018.-2021.)
- izrađuje prijedlog Akcionog plana za borbu protiv korupcije u lokalnoj upravi Grada Bihaća (2018.-2021.)
- prati realizaciju Akcionog plana za borbu protiv korupcije u lokalnoj upravi Grada Bihaća (2018.-2021.)
- predlaže izmjene i dopune Akcionog plana;
- izvještava o svom radu predsjedavajućeg Gradskog vijeća i gradonačelnika.

III

Koordinator Tima najmanje jednom mjesečno podnosi predsjedavajućem Gradskog vijeća i Gradonačelniku pisani izvještaj o radu Tima, a o eventualnim problemima u toku realizacije zadataka iz tačke II ovog Rješenja dužan je bez odlaganja obavijestiti predsjedavajućeg Gradskog vijeća i Gradonačelnika.

IV

Koordinator Tima i članovi za svoj rad neće primati naknadu.

V

Ovo Rješenje stupa na snagu osmog dana od dana donošenja, a objaviće se u Službenom glasniku grada Bihaća.

Broj: _____

Predsjedavajući Gradskog vijeća:

Datum: _____

Davor Župa